

kiž podobno kaž w Njeswačidle⁶⁵⁾ na keřchowje před cyrkwu swoje lětstotki stare haľuzy šěroko rozpřescěrajo stoji. W katholskim času měješe nimo Ketličanskeje maćérneje cyrkwe wosada pódlanske kapaľy w Nosaćicach, Hľušinje, hdžež hišće džensa wěstěj hórcy „kapaľa“ rěkaju, a we Wujezdze; posledna stojiše najskerje na wjesnym trawniku, hdžež su nětko hišće 3 lipy; při nich spěwaju Wujezdzenjo (stari a mľodži) kóždu jutrowničku popoľdnja někotre jutrowne kěrluše. Nosaćiska kapaľa hakle bu 1679 samostatna cyrkej.

Wjes Wujezd pisa so w jenej lisćinje l. 1252 Ugest; němske pomjenowanje Breitendorf je z nowišeho časa; blisko Walowow ležeše hač do 30lětneje wójny wjes Paškecy (Paschkewitz), je pak so tehdy zapusćila a zhubila; za to bu 1763 nowa wjes „Karlsbrunn“ mjez Ketlicami a Walowami wot tehdyšeho Ketličanskeho knjeza Karl G. z Hund po wašnju herrnhutskich kolonijow za čěskich ewangelskich eksulantow zaľožena, kotřiž běchu z džěla němscy, z džěla so bórzy zněmčichu; w samom času nastachu tež „Nowe Ketlicy“, kiž buchu tež z wjetša wot Němcow wobsadźene. Ketlicy běchu w zastarsku zamožita serbska burska wjes; jako pak w kónc 16. lětstotka nimale wšitcy burscy wobsedźerjo na mór wumrěchu a ěi zbytni wobstać njemóžachu, buchu wšitke burske kubľa z ryćěrkubľomaj zjednoćene; tak nastaštaj nětčijej wulkej ryćěrkuble w Ketlicach, štož bě tež ze škodu za serbsku narodnosć, dokelž na nimaj sydachu stajnje wosebni Němcy, kiž tež wšelakich němskich zastojnikow, rjemjeslnikow a džěľaćerjow za sobu do wsy sćežechu. To samo stawaše so we tych druhich 12 wsach wosady, kotrež maju ryćěrkubľa, kiž nimale wšě do najwjetšich našeje Łužicy sľušeju. Tući přikhadźacy Němcy počachu bórzy mjez serbskimi wjesnjenjemi Němcowstwo rozšěrjeć a přisporjeć, štož bě ěim lóže, dokelž Ketliska wosada hižo přez wjacy hač 3 lětstotki na pomjezach Serbowstwa leži. Wsy, kiž žanoho knjejstwa nimaju, su tež hač do

⁶⁵⁾ Tež we wsy Khoľmje (Collm) při Khoľmjanskej horje (Collmberg) pola Ošaca stoji při jara starej kamjeńtnej cyrkwi hišće starša wulka šěroka lipa, wěsće na 1000 lět stara. Wězo je so tež tam na pohanskim serbskim wopornišću při tutej lipje křesćijanska cyrkej natwarila.